



UNIVERSITÄTS-
BIBLIOTHEK
PADERBORN

Synopsis Annalium Societatis Jesu In Lusitania

Francus, Antonius

Augustæ-Vindelicorum, M. DCC XXVI.

Annus 1692. Soc. 153.

[urn:nbn:de:hbz:466:1-72313](https://nbn-resolving.org/urn:nbn:de:hbz:466:1-72313)

Annus 1692. Soc. 153.

I.

Elvense Collegium, quod regebat Emmanuel Andrada, 17. Augusti novum templum aperuit. Celebritas facta est, quam maximam potuit pompa. Die predicta horis pomeridianis translata fuit e veteri templo Eucharistia, hanc deferente sub umbella Hieronymo Soario Episcopo Elvensi, & innumero supplicantium agmine comitante. Idem sequenti die Pontificio apparatu primam litavit hostiam. Triduo exposita Eucharistia magno hominum concursu non modò ex Lusitania, verum & Castellae finitimis oppidis. Plurimum juvit celebritatis expensas sumptu suo Joannes Furtadus Mendossa urbis summus Praefectus, & Societatis nostrae amantissimus. Aperti templi occasione illic fuit introducta Sodalitas S. Ignatii poenitentis, cui multa nobilitas nomen adscripsit.

Aperitur novum templum Collegii Elvensis.

2. Sexdecim moverunt ad Indiam, duo tantum Lusitani, ex diversis nationibus reliqui. Praerat P. Franciscus Maria Spinola, qui, antequam ad Sinense Regnum pervenisset, de vivis excessit. Morbi multi infestaverunt omnem turbam. De nostris periit P. Philippus Couplerius Belga, qui plurimis annis apud Sinas laboraverat, & praeter alia opera vertit in Latinum sermonem libros Confucii Philosophi Sinici, inter eas gentes sapientiae Magistri. Bernardus Ozorius scholasticus Lusitanus Carapitenis, adolescens singularium virtutum. Nicolaus Fourius, Joannes Baptista Charandius, Christophorus Bracus, & Petrus Dandius. Hi sacerdotes erant.

Profecti ad Indiam.

3. Libertas praedicandi legem divinam in Sinenfi Imperio diplomate Imperatoris publicata est 22. Martii praesentis anni, trigesimo primo anno Imperatoris Kam Hi Tartaro-Sinensis, quinta die secundae Lunae juxta consuetudinem computandi tempora inter eas gentes. Nostrum homines huic facultati impetrandae annos plures insudaverant. Praesens magna merita, quibus Imperator est permotus, superatis difficultatibus propemodum infinitis. Praeter alios laus magna contingit in re tam gloriosa Ven. P. Thomam Pereiram Lusitanum Interamnensem, qui gratissimus erat Imperatori, cujus & funus jussit celebrari pompam singulari, digna tanto heroe, digna Imperatore. Vigesima Decembris anno 1722. hic Princeps vitam explevit. Maxime favebat rei Christianae, nostrae Societati, ac Lusitano nomini: in eo ad regnandum summa omnia: si fidem Christi, quam veram agnovit, esset amplexus, foret Sinenfis Imperii Constantinus.

Libertas praedicandi Evangelium apud Sinas.

4. Cum potestate Visitatoris, sive Provincialis in Brasiliam ivit P. Emmanuel Correa Estremotiensis, regebat Portuense Collegium. Secum vexit ad tradendam Theologiam P. Franciscum Botelium, qui postea fuit a confessionibus Regi Joanni V. P. Emmanuel dum munus injunctum peragit, naturam concedit, relictis in ea Provincia praeclearis viri religiosissimi exemplis, modestiam cum primis, prudentiam, & integritate. Comitatus etiam est P. Ludovicus Severinus Ulyssiponensis, qui gubernarat Maderense Collegium, mutabatque Provinciam, sed annis aliquot devolutis, morborum causa rediens in Lusitaniam obivit Eborae. Accessere praeterea quatuordecim scholastici, uno excepto Alphonso Pestana Serpenfi, reliqui tirones.

P. Emmanuel Correa Provincialis Brasiliae.

5. Loandae in Angola mense Januario sepultus est P. Joannes Honradus. Societatem illic jam sacerdos inivit tam robustam virtute praeditus, ut Episcopus dixerit, nescire se, quid Joannes in proventa aetate, & virtute venerit quaesitum apud nos. Quibus verbis significavit, illum attigisse virtutum culmen, priusquam Societati nomen daret. Propter religionis notam linguam ingressus loca mediterranea obeundo sacras missiones plurimos Christo peperit.

Moritur P. Joannes Honradus.